

安化縣志


102

93893

102/01.25

35

1/29



續修安化縣志序



邑志之續脩也撫徃蹟紀新聞以昭
垂來茲前創後因均有賴焉安邑舊
志脩於康熙甲戌間迄今多歷年所
際

累代承平之盛沐百年

教澤之休一方文獻大有可傳可觀者續


之誠不可緩庚午春予權篆來斯邑
紳耆承前令李公與司鐸歐陽公張
公議續加纂脩予見皆懽忻從事又
能秉公持正也因亟勸而加勉之越
歲歲事丐序於予、以是舉也捐貲
訪輯悉邑耆紳先生之力予坐觀厥
成何贅詞為既而思之凡志中所載

學校之大賦稅之制壇廟祠宇之祀
典城池倉庫之捍衛貯藏以及風俗
美惡物產贏絀與夫名宦鄉賢文行
之卓異皆守斯土者所宜朝夕省覽
以志諸心循其分以供其職也則事
雖成於前令及兩司鐸與邑中諸君
子謂非即所以成予之志也耶予雖

不文不可以固陋辭爰序其續修之
梗概以弁諸簡端

嘉慶十六年辛未夏六月朔日

曲梁周文重撰



重修安化縣志引

邑之有志所以紀一代人才之興替風俗
之淳漓於以徵

聖朝聲教所訖由守土之振興有方裨善者
得傳不錄者知愧其係於人心世道匪淺
非徒誇張文物為方隅觀美已也然非
主持風教者具大學識大經濟則亦視

為江常終廢頽莫舉將爛漫不可收拾
矣我邑肇自熙寧間歷代紀載殆為兵
燹散逸明季學博方曾經修輯六剝蝕
無完文

國朝康熙年間明 府王吳趙三公始一再
續修之迄今百有餘年矣上焉不立循
良慳悌下焉不無忠孝節義而皆湮沒

不傳豈非一大缺事哉前任 常熟蔣公
濟南牛公雖亦有意主修簽點周孝廉生
儒陶太封翁必銓與余共董厥役又緣選
任而中心乎掌故者未嘗不隱為扼
腕而深伊於胡底之嘆也今者欣逢
碧涵李老父臺大人蒞任茲土甫下車
即進諸生而喻以邑老之久曠當急舉

修隨設公局捐廉為倡簽城鄉端方之
士襄事期以三月竣工余竊心難之謂
時既久而難稽善無微而不信採訪
旦夕能周 公曰不然人之先世有善行
者其子若孫必不忍泯滅不傳縱或
微無力其宗族鄉黨且賢而好德者亦
必樂為公舉以示勸獎何患遺漏余即


出元曉諭多鄉令其自來呈報察其實
可表揚者准其載入志內其無實蹟盜
虛聲者概置不錄惟是至公至正主之
何難之有若簽撥採訪則曠日持久弊
竇百出事之有初鮮終往往坐此恆是
稿成付梓未免需費爰簽城紳士等經
理費用以董其事每鄉擇公正醇謹者

二人勸捐或數金或數十金聽從其便
揔視其人之好行其德而不之強將來
勒名東末亦可垂諸不朽誰肯自外乎
旋即發印簿九奉命余代傳其盛意
於端以為之勸余曰嗟服其識之卓才
之高而又幸安邑之振興有機也邑志
之廢墜已久遊宦者日不暇給伏家者力

無能為阮不克表揚先哲又無以獎勵耒
茲曰陋就簡邑筭不成為邑矣一旦得
主持風教者為之振衰而起靡我邑亦
何緣而獲此公蓋以天下楷模之望早
掌風憲於清班詩古文詞傳誦於名
公巨鄉已久 今儲君今科入詞館
知家學淵源志業遠大誠有見乎志

之修廢實為民風吏治世道人心攸關
故他務未遑諄諄以此為急豈非識
大體知當務者哉是未可求諸俗吏
中矣我同人際斯盛遇千載難逢當
亦仰體 德意踴躍趨事以共襄曠典
慎勿視為故常而裹足不前則幸甚

嘉慶十四年歲在己巳秋月原任
城步教諭邑人殷瑞世識



安化縣志

引

五

創始安化縣志序

嘉靖癸卯教諭 方清

邑故無志志自予始予來安化察地之理觀物之宜探幽弔古詢俗訪賢推嗣夷之向背究前代之經置諸士教我曰邑故無志子將何述迺取長沙志而觀之則吾師淦江徐先生之序在焉序曰志志也君子之志在斯民小人之志在一己悚曰千里而來仕甘爲小人哉淳然欲志君子之志此志之始謀也他日姜子用章龍子光祖來問予病曰邑無志將以累子其毋讓予曰二君知予衷哉何感之神也於是士大夫翕然纂修之義時莆田石泉陳公德寧以衛僚來

卷之首

舊序

視篆廉而愛文政尙篤實知大體士大夫曰事諧矣迺姜子龍子李子纂賀子鍾子錄子守豫李子世楷世材醫官鄧學書吾門人陳生策張生永祥以邑志請石泉子曰有司事也敬任之迺筮日幣來授予筆札雖以不敏辭不能矣其成吾君子之志與迺取宋圖經爲案分命諸生王秉廉郭采輩徧覽山谷諏諮芻蕘而予時博詢之長老考郡志省志一統志而自校讐之迺揭綱領俾此事有統疏其條目俾記載從類缺者補之畧者詳之繁者刪之幽者闡之使晰誤者正之使信越三月而成帙屬姜子吾寅蒙山歐子

秉卿共校之宛然安化志矣噫嘻吾惡乎志哉宋熙
寧逮今五百餘年才官文吏不少也而志予俟哉吾
揣其故縣官曰非牧人之急務學官曰非淑士之先
務邑誰志耶譬之峒也歷隋唐五季非無英君能宰
而必神宗章惇乃能籍其土田人民亂極而治時也
五百年而圖志明文獻具晦久而彰獨非時耶茲志
也予惡可已哉夫子修魯史與其託諸空言不若見
諸行事故曰吾志在春秋茲志也述往以詔來比辭
以該事觀者推其志焉耳覽興廢之跡思治亂之故
究風俗之變可以修政循往哲之轍興孝友之風振
儒行之槩可以立教然則志也者曰非牧人之急務
非教人之先務大惑耶不然真空言之託于邑奚增
又惡能君子哉

重修邑志序

嘉靖癸卯邑人 姜用章

天下之事遇焉耳矣遇則成弗遇則弛勢然也曩坐
名家談梅山故事每若訥焉文獻不足故也欲謀志
之而未有遇也先有作者畧而未詳或詳而不竟又
或竟而未梓均歸於廢未有遇耳今年夏分教蒙山
歐子惓惓及之比秋而竹城子來掌邑教負該博之
學持純正之論一日偕龍子梓溪訪焉首詢邑志因

謀之遂唯唯無吝辭嗚呼茲念厥惟舊哉迺今則遇
矣幸而署篆石泉陳子崇儒右文籌畫敏捷偕諸士
夫告焉忻忻然攘臂爲之無難色是又一遇也明發
具幣之竹城子請焉在宋稽之圖經在元在國朝徧
訪之士夫及故老閱三月稿成建置遡焉而疆域辯
矣山川列焉而形勝備矣物產悉焉而地利昭矣田
賦載焉而輕重顯矣風俗述焉而淳澆見矣名宦紀
焉官斯者鑒矣鄉賢舉焉生斯者勵矣捧而閱之宛
梅山之在目也嗚呼數百年曠典不日成之且以壽
諸梓謂非不世之遇不可書成陳子方子謂事始於
引諸首

崇禎戊辰知縣 蔣允亨

邑曰安化蓋古梅銷地也四顧輿圖遼邈延袤直據
湘漢上游而其形之增勝如芙山聳翠伊水拖藍紫
雲騰晚照之輝熊耳綴浮青之秀而且沸玉若泉塘
浴月若鏡泉印石若奇紋等參差錯落色色生動倘
所稱造物之無盡藏非耶所以扶輿沆瀣川嶽靈秀
蘊鬱而挺爲人文者不可勝數故由今遡古登賢書
策仕籍率多樹駿流鴻而志者正以羅由來人物悉

紀於不朽也庸得高閣置而不務修葺哉洎前令梅
陳君者一經修補茲飭要之世轉新而事積廢不無
厘慮於千百什一之存也值己巳歲何幸督學蔡君
翻閱安志謂內多遺漏事實未甚典核慨以修補屬
予洵甚盛舉也然予伏觀梅封維時學向新改殿廡
鼎飭物態人情恍若煥然一新者曾是一志可任其
若明若晦不與增而新哉于是奉命而還毅然身任
其責卽協學博王君諱紹元陳君諱九疇并貢生李
諱應萃爲之上稽往古下索來茲缺者補畧者詳誤
者訂之使正俾古來紀事紀言紀名紀地咸爲薪傳

於不已者也卽間有因時建豎蔚起名賢應堪可紀
者悉核實附刊無或有遺語曰寧傳其實毋傳其訛
傳其信毋傳其疑則此役是也然則今日之一修所
關豈渺小也哉採當年之遺事揚往哲之幽芬要使
一時月旦還符萬世公評隆古醇風默維來禩雅化
以佐

盛朝文明之治昭諸史乘用垂不朽其在斯乎其在斯
乎訂定卽付剞劂嚴之就緒而闔邑紳衿聿觀厥成
欲思其自乃羣起而丐記于予予豈無說以處此耶
爰勒一編令後先映于不已以備同志者考鏡云

本朝重修邑志序

康熙丁未知縣 王丕振

楚山甲天下而梅邑又羣山萃聚之區在漢爲梅銷
家林隋唐始列郡縣五季以後飄忽爲峽州峒會出
沒之鄉往冊皆不可考宋熙寧五年閏七月詔中書
檢正官章惇經制察訪冬十一月招降梅山始置安
化繡錯辰邵鼎澧間記功者美焉自元明來邑治載
經播遷而一方文獻又燼於累朝兵燹邑故無志矣
明嘉靖癸卯教諭方清始考圖經而作志不踰年卽
名太學其書雖遞經刪補猶然無一卷完善者也 振
自癸卯之秋初蒞茲土昔會勦西山羽檄交馳日敝

安化縣志

卷之首

舊序

五

徵繕臯戾是懼奚暇及此越明年荷

朝廷德威廣被始獲蕩平四載於茲矣又鞅掌簿書間
撫字催科厓於夢寐念我赤子越在窮陬無多物力
生涯苦之賦稅苦之力役又苦之而宰邑者尙且構
思染翰吟咏山水間作風流吏治不幾難乎丙午秋
振應

命分校楚闈歸乃與梅庠諸生譚及掌故且因建學宮
竣燕飲落成因思 振任內罅虢者尙有邑志一書深
惟羊叔子登峴山不過一遊覽猶以湮沒無傳爲恨
諸葛武侯不志蜀百世猶有恨焉晦菴以爲當日經

理王事之急不違他務終屬回護之詞恐無解於後人爾況今

各上憲風勵郡邑修舉廢墜振固不敏又何詞於梅
邑哉爰與諸子約或任編輯或司採訪戒之曰毋纏
而私毋舍而斷毋濫述而偽傳毋耀文而揜實諸子
共襄厥事七閱月而書成凡生民之利病田賦之變
更以洎山川名勝風俗淳漓人官物產燦若列眉燦
然指掌詞簡而事明義嚴而紀備有以方隅咨吏事
者可以按牘而對矣

康熙甲子知縣

吳兆慶

安化縣志

卷之首

舊序

六

縣之有志猶國之有史一方文獻於是乎在原以備
王朝採風非私乘也必信而足徵斯爲善耳安化昔無志
肇自故明方清厥後遞相刪補逮我

朝王丕振又重加修輯綱舉目張兼綜無遺固亦燦然
可觀也第其中尙有未盡確者如天文分野綱列翼
軫之次夫翼軫爲全省分宿安化舊隸長沙府當視
軫中長沙子爲占志載諸說皆無足取至於隣縣接
壤相去道里又與各志所載不符他如田賦因時損
益關夫國計尤其大者皆當亟爲考正也惟慶自壬
戌之夏來令斯土時丁叛逆之後人民彫瘵邑治爲

墟重以王師凱還傳致應籍人口入京皆取道湖南
舟帆絡繹自辛酉迄甲子凡四年乃訖其一切供億
夫船皆於各縣是徵旋有採木之役跋履山川足跡
徧境內時際多艱撫字爲勞鞅掌簿書無須臾之間
雖志切校讐而力有未遑今

天子武功告成聿昭文德爰命詞臣宏開史館編纂天下
通志以彰大一統之盛且以所進京師地圖城池方
向河道源流及道里遠近互相舛錯不符形勢者多
令天下詳核繪進務爲真確可觀勿蹈從前虛文慶
於奉檄之下仰見我

安化縣志

卷之首

舊序

七

皇上留心治道循名核實如此于是不揣固陋謀諸廣文
喻劉二君蠲吉從事邑士周啓邵郭洪起習知掌故
延與參考而慶爲之綜覈焉凡訛者正之闕者補之
期底於信亦以仰遵真確可觀之

旨而已至于文詞體裁固不暇計工拙也書成授梓爰爲
之紀敘其事以弁諸首

康熙甲戌知縣

趙尺璧

今天下淳南鱗靜暹占波寧薄海內外咸奉朔而向
化矣

聖天子治不自治宏開史館廣興文教命編纂天下通志

雖云昭一統之盛治然實欲徵賢才於遐域採醇風於山城於是天下郡縣胥已汲汲而修志繪進矣雖然志者誌也邑之有志猶國之有史家之有譜然所貴寧真毋誕寧信毋疑寧實見諸行事毋徒尚乎虛華補缺詳畧正訛核實則一邑之志真而一代之史始成焉又曰志者鑑也考政教之得失察人心之純疵而力爲通變力爲救補則往帖陳章悉爲一邑鼓舞振勵之具是邑之有志顧不重且大與若屑屑焉徒侈其建置山川之大地利育產之奇與夫人物名宦之盛摭詭擷靡鈞元索隱風雲月露之章奇怪艷異之記非不膾炙人口然真贗罔辨信疑舛錯究於政教人心無所裨益故邑之有志也究亦與無志同尺璧自辛未如月抵署卽取安志遍閱考天文分野軫旁有小星安舊隸長沙當視軫中長沙子爲占始知安古銅地也疊嶂重巒遼邈延袤直據湘漢上游如芙蓉浴月靈龜沸玉諸勝境聳翠拖秀蜿蜒蟠鬱固已崇夫體勢亦俱現夫靈奇天地精華之氣氤氳磅礴曠世瑰異之才自生於中若然又安可聽其若缺若晦不起而補葺哉若建置田賦人物戶口諸志前之君子固已歷歷詳晰尺璧亦不敢妄爲校讐竟

隱其績之善心之勞也蓋文教者人才政治之所關
節義事業靡不出其中文教聿興則禮明禮明則義
晰義晰則彝倫攸敘愚者可智刁者可醇一時英特
之士咸思奮望捷文焰奎宿筆燦珠璣將見巍科接
踵於梅亭德星恒聚夫伊畔蘭臺栢府蔚然稱首躋
槐履棘赫然勒勲則安邑之盛又當何如也尺璧故
不避嫌疑減塵甑食米置書院一所與諸生一月三
藝漸能吹字左置義學一所敦請業師課蒙又置田
若干畝塘若干口山與地若干段咸附兩地以代守
者之需其價值弓口房架基址俱印載另冊若此者
非尺璧過爲舉也惟仰體

天子重文教之雅化與士子相底於有成亦以不負尺璧
之夙志焉云爾後之任是邑者倘憐尺璧之苦志而
更爲廣興焉勿假官舍勿作驛寓勿使豪棍吞侵修
葺勿替則安化之盛又當何如也